



TOSHKENT DAVLAT YURIDIK UNIVERSITETI REKTORINING B U Y R U G ' I

2021-yil «24» mart

02-78-son

Талабаларга ҳайфсан эълон қилиш тўғрисида

Бугунги кунда университетда юқори малакали юридик кадрларни тайёрлаш мақсадида талабаларни маънавий-ахлоқий тарбиялаш, уларнинг ҳуқуқий маданияти ва онгини ошириш бўйича самарали тизимни яратиш, уларда юксак маънавий-ахлоқий фазилатларни шакллантириш ҳамда ривожлантириш мақсадида бир қатор комплекс чора-тадбирлар амалга оширилмоқда.

Шунга қарамасдан айрим талабалар томонидан университет Ички тартиб қоидалари (ички меҳнат тартиби қоидалари)ни бузиш ҳолатлари кузатилмоқда.

Хусусан, 2021 йилнинг 22 февраль куни Ёшлар билан ишлаш бўйича проректор А.Хашимхонов ва Оммавий ҳуқуқ факультети декани Ш.Сайдуллаев томонидан университетнинг Оммавий ҳуқуқ факультети 1-курс талабаси Пардабоев Жаҳонгир Жанон ўғли, 2-курс талабалари Дусмуратов Мирзоамирбек Мирзануридин ўғли, Иброхимов Самандар Рустамжон ўғли, Зиядуллаев Жонибек Зафарович, Бегматов Бекзод Шерали ўғли, Абдулҳакимов Улуғбек Дониёр ўғли, 3-курс талабаси Обидов Ғайратбек Турдимамат ўғли университет 2-биносидан 500 метргача бўлган ҳудудда тамаки маҳсулотини истеъмол қилганликлари аниқланган.

Талабалар мазкур хатти-ҳаракатлари билан Тошкент давлат юридик университети Одоб-ахлоқ кодексининг 16-модда саккизинчи хатбошиси (университет бинолари ва ҳовлисида, шунингдек, университет биноларига туташган ва улардан 500 метрдан кам бўлмаган ҳудудда спиртли ичимликлар ичиш ва тамаки ёхуд бошқа турдаги маҳсулотларни чекиш) ҳамда 26-моддаси учинчи хатбошисида (қонун ҳужжатлари ва мазкур Кодекс талабларига риоя этиш) кўрсатиб ўтилган қоидаларни қўпол равишда бузган.

Юқоридагиларни инобатга олиб, Олий таълим тўғрисидаги низом (2003 йил 22 февраль, рўйхат рақами 1222) 51-банди ва университет ректорининг 2021 йил 1 мартдаги 08-44-сон буйруғи билан тасдиқланган Тошкент давлат юридик университети Ички тартиб қоидалари(ички меҳнат тартиби қоидалари)нинг 54, 83-бандларига асосан ҳамда Оммавий ҳуқуқ факультети декани Ш.Сайдуллаевнинг билдиргисига мувофиқ

БУЮРАМАН:

1. Университетнинг Одоб-ахлоқ кодекси қоидаларини бузганлиги учун Оммавий ҳуқуқ факультети 1-курс талабаси Пардабоев Жаҳонгир Жанон ўғли, 2-курс талабалари Дусмуратов Мирзоамирбек Мирзануридин ўғли, Иброхимов Самандар Рустамжон ўғли, Зиядуллаев Жонибек Зафарович, Бегматов Бекзод Шерали ўғли, Абдулҳакимов Улуғбек Дониёр ўғли, 3-курс талабаси Обидов Ғайратбек Турдимамат ўғлига ҳайфсан интизомий жазо чораси қўлланилсин.

2. Оммавий ҳуқуқ факультети декани (Ш.Сайдуллаев):

ушбу буйруқ билан факультет талабаларини таништирсин;

мазкур ҳолат такрор содир этилса мазкур талабаларни талабалар сафидан четлаштирилиши тўғрисида огоҳлантирсин;

мазкур талабаларнинг шахсий ҳужжатлар йиғма жилдига буйруқ нусхаси тикилишини таъминласин.

3. Мазкур буйруқ бажарилишини назорат қилиш проректор А.Ҳашимҳонов зиммасига юклансин.

Ректор



Р.Ҳакимов

Лойиҳа киритди:

Оммавий ҳуқуқ факультети декани

Ш.Сайдуллаев

Келишилди:

Ёшлар билан ишлаш

бўйича проректор

А.Хашимхонов

Маънавият ва маърифат

маркази директори

Ш.Пўлотов

Юридик бюро

катта юрисконсульти

Э.Хосилов